

---

# NA YAVU NI VAKABAUTA

NI LOTU I JISU KARISITO NI YALODODONU EDAIDAI

---



**K**EIMAMI VAKABAUTA NA KALOU NA TAMADA TAWAMUDU, kei na Luvena ko Jisu Karisito kei na Yalo Tabu.

2 Keimami vakabauta ni na cudruvi na tamata ena vuku ga ni nona ivalavala ca, ka segai ena caka cala walega nei Atama.

3 Keimami vakabauta ni na vakabulai na tamata kecega ena isoro nei Karisito, kevaka eda sa muria na vunau kei na i vakavuvuli ni itukutuku vinaka.

4 Keimami vakabauta ni sa yavu ni ivakavuvuli ni itukutuku vinaka na: ai matai, Mo vakabauta na Turaga ko Jisu Karisito; ai karua: Na veivutuni; ai katolu: Na papitaiso ena tabadromuci e wai me bokoci kina na ivalavala ca; ai kava, Na isolisoli ni Yalotabu ena veitabaki ni liga.

5 Keimami vakabauta ni sa kilikili me lesia na tamata na Kalou ena parofisai, kei na veitabaki ni liga, me soli kina vua na kaukauwa me vunautaka na itukutuku vinaka ka vakayacora na veicakacaka tabu vakalotu.

6 Keimami vakabauta na ivakarau a taurivaki tu ena Lotu Taumada, ka ra a vakaitavi kina na iapositolo, na parofita, na italatala, na ivakavuvuli, na dauvunau, kei na vakailesilesi vakalotu tale eso.

7 Keimami vakabauta na isolisoli ni vosataka na vosatani eso, na parofisai, na ivakatakila, na raivotu, na veivakabulai, na vakadewataki ni vosa kei na veika vakaoqori.

8 Keimami vakabauta ni sa vosa ni Kalou na iVolatabu kevaka e vakadewataki vakadodonu; keimami vakabauta talega ni sa vosa ni Kalou na iVola i Momani.

9 Keimami vakabauta na veika sa vakatakila oti na Kalou, na veika sa vakatakilai mai ena gauna oqo, ka keimami vakabauta ni na levu tale na veika ena qai vakatakila mai me baleta tikoga na Matanitu ni Kalou.

10 Keimami vakabauta ni ra na vakasoqoni vata tale na Isireli kei na nodra vakalesui mai na Yavusa e Tini; io ni na tara ko Saioni (na Jerusalemi Vou) ena vanua ko Amerika; ni na mai veiliutaki sara ga e vuravura na Karisito; ka na vakavoui na vuravura oqo me na vaka sara na lagilagi kei parataisi.

11 Keimami vakabauta ni dodonu me soli na galala meda dui qarava kina na Kalou Kaukauwa me vaka na dodonu ni tamata yadua; ia me soli ena galala oqori me dui lewa kina na ivakarau ni nodra lotu, na vanua me ra sokalou kina kei na kalou me ra lotu vua.

12 Keimami vakabauta ni sa kilikili meda vakarorogo vei ira na tui, na peresitedi, na iliuliu, kei ira na turaganilewa, ena noda talairawarawa, rokova ka tokona na lawa.

13 Keimami vakabauta ni sa kilikili meda yalododonu, yalodina, talairawarawa, lomasoli, ivalavala savasava, ka da caka vinaka vei ira na tamata kecega sa rawa ni tukuni ni keimami sa muria na vunau nei Paula — Keimami sa vakabauta na ka kecega, keimami sa vakanuinitaka na ka kecega, keimami sa vosota oti na ka e vuqa, ka keimami nuitaka ni na rawa me keimami na vosota na ka kecega. A ka kecega e savasava, na ka e totoka se rogorogo vinaka se daudokai, se vakaturaga, keimami sa gadreva na veika oqori.

JOSEFA SIMICI

---

NA LOTU I  
JISU KARISITO  
NI YALODODONU  
EDAIDAI

